

1. PREDMET I PODRUČJE PRIMJENE

Predmet procedure je utvrđivanje tehničkih karakteristika i broja pogonskog agregata (dalje u tekstu „*motora*“) u slučajevima kada su iste izostavljene ili nisu točno evidentirane u identifikacionim dokumentima vozila. Ova procedura odnosi se na ispitivanje **novih i rabljenih motornih vozila** kategorija M, N i L i izdavanje *Potvrde o ispitivanju vozila*.

2. ZAKONSKI OKVIRI

Za primjenu ove procedure koriste se slijedeći Zakoni i Pravilnici

- Zakon o osnovama sigurnosti saobraćaja na putevima u Bosni i Hercegovini («Službeni glasnik BiH», br. 6/06, 75/06, 44/07, 84/09 i 48/10);
- Pravilnik o dimenzijama, ukupnoj masi i osovinskom opterećenju vozila, o uređajima i opremi koju moraju imati vozila i o osnovnim uvjetima koje moraju ispunjavati uređaji i oprema u saobraćaju na putevima («Službeni glasnik BiH», br. 23/07 i 54/07);
- Pravilnik o registriranju vozila («Službeni glasnik BiH», br. 69/09);
- Pravilnik o certificiranju vozila i uvjetima koje organizacije za certificiranje vozila moraju ispuniti («Službeni glasnik BiH», br. 41/08);
- Bosanskohercegovački standard BAS ISO 3779 (Cestovna vozila – Identifikacioni broj vozila (VIN) – Sadržaj i struktura);

3. POTREBNA DOKUMENTACIJA

- dokaz o vlasništvu vozila (prometna dozvola, račun, itd.);
- osobni dokument podnosioca zahtjeva (osobna karta, putovnica ...)
- kopiju potvrdu o certificiranju vozila, ako je vozilo već ranije pristupilo nekoj vrsti ispitivanja;

4. POTREBNA OPREMA I UVJETI ZA PREGLED VOZILA

Ispitno mjesto mora imati slijedeću opremu, prostor i literaturu, bez izuzetka:

- prostor za pregled vozila s kanalom za pregled donjeg postroja vozila minimalne dužine 8 metara;
- priručni mehaničarski alat;
- mjernu traku minimalne dužine 10 m;
- mjernu traku dužine 2 m;
- pomično mjerilo;
- pokretnu svjetiljku maksimalnog napona 24 V;
- džepnu svjetiljku;
- digitalni fotoaparatus;
- literaturu sa podacima o pogonskim agregatima vozila koja mora sadržavati oznake (kodove) pogonskih agregata i pripadajuće im tehničke karakteristike;
- literaturu sa podacima o tipovima, varijantama i verzijama vozila sa pripadajućim im tehničkim karakteristikama;

- informatičku i tehničku podršku za vođenje evidencije o pregledanim vozilima.

5. PROCEDURA

Prijem vozila i dokumentacije obavlja se na ispitnom mjestu prema OSNOVNOJ PROCEDURI ZA ISPITIVANJE I CERTIFICIRANJE VOZILA (I-PR-001).

Podnosilac zahtjeva za ispitivanjem dužan je vozilo dovesti tehnički ispravno i u čistom stanju.

Pregled se obavlja na za to predviđenoj tehnološkoj liniji ispitnog mjesta, a dio pregleda izuzetno se može obaviti izvan tehnološke linije.

Redoslijed operacija

Utvrđivanje oznake (koda) pogonskog agregata

- oznaka pogonskog agregata nalazi se na bloku motora trajno otisnuta (ukucana) i na pločici trajno pričvršćenoj za blok motora;
- utvrditi da su ostali dijelovi agregata sukladni utvrđenoj oznaci (da se istovremno ne radi i o remontu motora).

Nakon utvrđivanja oznake potrebno je informacije o njenom nazivu upisati na za to predviđeno mjesto na obrascu za ispitivanje (ovisi o kategoriji vozila – M, N ili L) i iz kataloga sa kodovima motora prepisati ostale bitne tehničke karakteristike pogonskog agregata.

U slučaju da je pločica sa oznakom uklonjena i ne postoji nikakova identifikacijska oznaka motora stranku je potrebno uputiti u ovlašteno zastupstvo (prema proizvođaču vozila ili motora) kako bi se ishodila točna informacija o pogonskom agregatu (u pisanoj formi ovjerena pečatom zastupnika). U navedenom slučaju na obrazac za ispitivanje vozila potrebno je upisati identifikacijske oznake sa bitnijih dijelova motora (elektropokretač, glava motora, mjenjačka kutija i sl. kako bi se olakšala možebitna identifikacija i onemogućile naknadne izmjene na motoru u sklopu istog ispitivanja vozila).

U slučaju kada postoji oznaka motora ili ju je stranka ishodila od zastupnika proizvođača vozila, a ne postoji broj motora potrebno je postupiti prema odrednicama I-PR-025.

U slučaju da se utvrđivanjem oznake motora utvrdi da nije riječ o grešci u prometnim dokumentima vozila već da se radi o zamjeni pogonskog agregata ili remontu potrebno je postupiti prema PROCEDURI ZA ISPITIVANJE VOZILA SA ZAMJENJENIM POGONSKIM AGREGATOM ILI REMONTOM AGREGATA (I-PR-003). Navedeni slučaj ne mora biti utvrđen na licu mjesta već se do zaključka može doći kasnijem postupku obrade dokumentacije (usporedba sa VIN oznakom vozila). Za vozila kod kojih se utvrdi da se ne radi o grešci u prometnim dokumentima će se izdavati pisana obavijest vlasniku/podnosiocu zahtjeva za ispitivanjem vozila sa naputkom za daljnje postupanje.

Osim navedenog prilikom snimanja vozila potrebno je utvrditi tehničke podatke vozila i provjeriti njegovu sukladnost sa zahtjevima Pravilnika o dimenzijama, ukupnoj masi i osovinskom opterećenju vozila, o uređajima i opremi koju moraju imati vozila i o osnovnim uvjetima koje moraju ispunjavati uređaji i oprema u saobraćaju na putevima. Ispitivač je pri tome dužan se držati odrednica navedenih u PROCEDURI ZA UTVRĐIVANJE TEHNIČKIH

KARAKTERISTIKA VOZILA (I-PR-004) – podaci se upisuju na za to predviđeno mjesto na obrascu za ispitivanje vozila čiji izbor ovisi o kategoriji vozila.

Obaviti fotografiranje oznake motora, motornog prostora i cijelog vozila za potvrdu o ispitivanju.

6. ZAVRŠNA DOKUMENTACIJA

Kriteriji i uvjeti za udovoljavanje vozila su slijedeći:

- vozilo mora udovoljavati svim uvjetima Pravilnika o dimenzijama, ukupnoj masi i osovinskom opterećenju vozila, o uređajima i opremi koju moraju imati vozila i o osnovnim uvjetima koje moraju ispunjavati uređaji i oprema u saobraćaju na putevima
- ispitivanjem se mora utvrditi da se ne radi o zamjeni motora ili remontu motora

Ukoliko vozilo udovoljava gore navedenim kriterijima vlasniku vozila se izdaje Potvrda o ispitivanju vozila br. BH-XXXXXX (prema OSNOVNOJ PROCEDURI ZA ISPITIVANJE I CERTIFICIRANJE VOZILA (I-PR-001)).

Potvrda se izdaje bez vremenskog ograničenja i vrijedi do izmjene tehničkog stanja vozila.

Ukoliko vozilo nije udovoljilo potrebnim uvjetima ili se kroz postupak ispitivanja utvrdi da priložena dokumentacija nije dostatna vlasniku/podnosiocu zahtjeva za ispitivanjem vozila uručuje se pisana obavijest sa svim utvrđenim nedostacima, kako bi iste mogao otkloniti.

PRILOZI:

Prilog 1. – Obrazac za ispitivanje vozila kategorije M (Obrazac br. OBR-004, OBR-005)

Prilog 2. – Obrazac za ispitivanje vozila kategorije N (Obrazac br. OBR-006)

Prilog 3. – Obrazac za ispitivanje vozila kategorije L (Obrazac br. OBR-007)